



## Պարույր Սևակ

### Անվերնագիր 18

Հիմա ողջն ասես մի հեքիաթ լինի, այնքան է հեռու,  
Հիմա ողջն ասես լինի մի ծանոթ, մի անցած երագ:  
Հերանցող տնից, որ դեմի սարի լանջին է թառում,  
Իջնում ես դու ցած՝ գլխարկդ թեքած մի կողքի վրա:  
Քո ափսեանն գլխարկը դեղին միշտ թեքած մի կողմ,  
Ինձ այնքան ծանոթ քո կանաչավուն գգեստը հագիդ,  
Երբ անցնում էիր դպրոցի շենքի ու մեր տան կողքով,  
Դու նման էիր, շա՛տ էիր նման արևածաղկի:  
Չէ՛, այդ ե՛ս էի, ես էի նման արևածաղկի.  
Որտեղ դու՛ այնտեղ և իմ գլուխն է ակամա հակվում,  
Որտեղ որ դու ես՝ միշտ նույն գլխարկը ու շորը հագիդ,  
Ինձանից անկախ, ուրիշից թաքուն՝ այնտեղ եմ թեքվում:  
Շա՛տ ջուր է հոսել - անցել են արդեն տարիներ քանի:  
Մեծ քաղաքների մայթերում արդեն՝ ես նույնիսկ հիմա  
Երբ հանդիպում եմ քեզ նման մեկին՝ միշտ շուտ եմ գալիս,  
Միշտ ետ եմ դառնում՝ արևը սիրող այն ծաղկի նման...

23.I.1947թ. 20.VII.1953թ.

Երևան Նավչալու